

Fouxyaz Gveilinz

□ Godoq comz hoiz



▲ Boux ndeu gag diuq fouxyaz.



▲ Gaiq ngeggoemq lumj najvunz dangqmaz.

◀ Dangdieg roengzrengz son' gyauq vunzlai swncienz fouxyaz.

Fouxyaz Gveilinz, dwg gij yisuz dijbauj lwenqda ndawbiengz Gveilinz, vunzlai heuhguh "diuq yaz Gveilinz".

Gaxgonq lajmbanj Gveilinz hwng diuq yaz. Vunz lajmbanj Gveilinz guh hozdung "boiz simmuengh hung" seizhaenx cungj diuq yaz. Aen hozdung "boiz simmuengh hung" dwg cungj fungsug youz vunzbiengz lajmbanj Gveilinz gouz fuk cawz rwix, gouz lwg gouz ndei, sam bi guh mbat. Gingciengz dingh youq liggaueq cib nyied ngeihcib, it hauh daengz ngeihcibsam hauh gawjbanh. Doenghij hozdung ndawbiengz neix hopheux "diuq yaz" daeuj guh; yienh' ok daengx aen yienghsiengq vunz caeuq daswyenz doxbuek, caeuq fangz doxhoenx haenx. Ndigah, baez daengz duenh guh hozdung, gyoengq vunzmbanj gyaez yawj diuq yaz, maij camgya hozdung, caemhcai sim caem hoz maez youq ndaw yisuz fouxyaz neix, caeuq fouxyaz miz gamjcingz noengzna dangqmaz. Boux yienj "saefangz" diuq fouxyaz haenx daihbouhfaenh dwg nungzminz dangdieg.

Duenh guh hozdung "boiz

simmuengh hung" haenx ndaw mbanj rog mbanj cungj nauhyied dangqmaz. Guh hozdung diuq yaz sam ngoenz sam hwnz duenh neix, gyoengqde cungj yienj 36 bouxsienz, 72 bouxsiengh le caez bae, cijndaej boiz sat simmuengh. Gij neiyungz 36 bouxsienz, gyonjcomz miz gojgaeq lizsij, riuzgangj gojsienbaed, dawz gij goenglauz Vuengzbuengzgoj haimbwn, Vuengzgvangfuz, Lujbanh daengi, doenggvaq diuqfoux caeuq go' hohsaenz yienh' ok daeuj.

Dangqnaj, ndawbiengz vanzlij louz miz gij gizbuj(cungj gyoebcomz gij mai sing sang daemq) diuq yaz haenx gungh 36 bouh 114 souj; ngeggoemq faen baenz 36 bouxsienz 72 bouxsiengh, daengx dauq gungh

108 aen. Diuq fouxyaz seiz gingciengz dwg boux ndeu gag diuq roxnaeuz song boux doxlwnz diuq, ciuq gij gonqlaeng dingh ndei haenx diuq 36 bouxsienz 72 bouxsiengh caez. Bouxdiuqfoux baengh ngeggoemq mbouj doxdoengz couh yienj yienghsiengq caeuq ningdoengh mbouj doxdoengz, riengz sing yinhyoz youh ciengq youh diuq. Bouxsae yinhyoz roq gyong boq dig buenx sing daengz yienj sat bae.

Gij cezmuz yienj fouxyaz miz 30 lai aen, ndawde gijdaeuz dwg 《Nwzcah》《Hai Bya》《Lujbanh》《Deihnanz》《Buenzgoj》daengj. Aen cezmuz vunzlai dangdieg cei maij, cei miz yaenqsiengq haenx dwg 《Nwzcah》.



▲ Canghdeu cingq haeujsim deu ngeggoemq faex.



▲ Gij ngeggoemq diuq fouxyaz neix hawj vunz baiq.



▲ Daihgya ningdoengh dox-boiq ndaej ndei.



▲ Gwnz daiz yienj fouxyaz ndeiawj raixcaix.

◀ Vunzmbanj cingq diuq fouxyaz gouz fuk.



▲ Diuq fouxyaz sim muengh ndaej sou lai.